



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

27. Dies Januarii. Non te Deus contemnit si redeas, etsi tu contempseris
cùm abibas. Chrysost. hom. de Ierem.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

Januar.

Tessera.

71

omnia corda, omnium lachrymas haberem, omnium
cordibus, omnium lachrymis peccata deflerem; cum
neque sic sufficerem, offero tibi Deus dolorem Dei
Christi tui. Aspice in filio, quo propitius in ser-
vo. Quamvis juncta peccato bona forent omnia,
nec ulla sequeretur peccantem poena; quamvis pec-
cati perpetrato vitarentur omnia, quae excogitari
possunt tormenta, Deo auspice non amplius pecca-
rem: fidenter dico, non peccarem. Hoc si tibi fixum
est facere, quod facis, fac citò. Noli nimis cunctari.
Malum, tempore fit majus, mora periculosius, cu-
ratu difficilius: & aperire Medico renuis? Vulnus est,
& lethale quidem, & differens medicinam? Ponderus est
in abyssum usque deprimens, nec vis deponere? At-
que hoc est primum elementum, quod tradit ars re-
ctè vivendi: mali, quod vetat rectè vivere, expiatio,
& offensi Dei reconciliatio. Pungunt ista, quae dixi
mala ad poenitentiam peccatorum, ad cautelam ju-
stum stimulant. Exaggero sua gravitate malum, ut
persuadeam sua dignitate bonum. Potes abolere,
quod incurristi malum, potes recuperare, quod a-
misisti bonum, uno suspirio, uno verbo. Audi Poë-
tam:

Vis culpam delere? semel profer miserere:

Per miserere mei, tollitur ira Dei.

27. DIES JANUARIII.

Non te Deus contemnit si redeas, etsi
tu contempseris cum abibas. *Chrysof.*
hom. de Jerem.

E 4

I. Qui

Converti- I.
mur pœ-
nitendo.

Qui peccando à Deo recessisti, necesse est, te pœnitendo ad Deum redire, nisi velis æternùm perire. Plus te peccasse doleas, quàm timeas. Sprevistis Deum cùm abires, non spernet te redeuntem. Execrare voluntatem, quæ in peccatum consensit; appetitum, qui allexit; sensum, qui portas aperuit, carnem, quæ titubando pellexit. Qui plus est bonus, plus odit peccatum utpote summum bonum. Qui vero plus peccatum odit, plus peccatum destruere ambit. Nullus plus odit, vel odisse potest peccatum, quàm Deus: ergo nullus plus optat destruere peccatum, quàm Deus. Magis igitur desiderat Deus peccata dimittere, quàm peccator ipse jam pœnitens postulat dimitti. Si delictum odit, & destruere cupit peccator, qui est malus, quantò magis Deus, qui est optimus? Omnia quæ sua sunt, quærunt: inter omnes solus Deus, qui tua sunt, quærit; suamque gratiam etiam post peccata, promptior est dare, quàm tu accipere. Quid dubitas ad Deum converti? qui vult, invitat, vocat, urgeat te ad se reverti? & minatur, nisi revertaris? Qui invitat, ut venias, repellat dum venies? Apud Deum quem pœnitet peccasse, penè est innocens, quia est homo recens. (a) *Tuos non aspernabitur reditus, qui redcas, suos demonstrat affectus.*

II. Age, quantum tibi plaudendo gratulareris: itò ut tibi congratularentur, convocates amicos, tuo vel ingenio, vel labore, vel industria, vel virtute traductus fuisset à synagoga ad Ecclesiam, à Judæis ad Christianos, perfidia ad fidem Christi, magnus

(a) *Chrysof. supra.*

ille mundi Magister Paulus ? Nónne tanti viri conversio mira tibi foret exultatio ? Nunquid tibi esset ingens & lætandi, & te jactandi, ac gloriandi materia, posse dicere : Mihi debentur illa tam gloriosa summi illius Herois, quæ inter Gentiles patravit facinora. Observa hñc ordinem charitatis. Charitas incipit à seipso. Fac ipse tibi, quod gauderes per te, factum alteri. Mavult Deus, tu te unum convertas, quàm per te, convertantur omnes. Sicut malle debes, perire homines omnes, qui sunt, fuerunt, erunt, quàm te solum; sic magis satagere debes, ut tu unus convertaris, quàm reliqui omnes. Quid ergo tibi invides illud bonum, tantam gloriam, tam invidendam felicitatem ? si in tuo foret arbitrio, quotquot sunt in Urbibus Consules, in Templis Præsules, in Provinciis Præsides, in Palatiis Reges; imò quotquot sunt in orbe homines perfundere immenso quodam gaudio, ita ut omnes omnibus incederent lætitiis, idque nullo negotio, facili labore, unius manus motu, aut pedis incessu, an hoc negligeres ? Nolles tibi tot devincire ?

III. Plus potes, quàm dixi, plus forsan, quàm ut possis credere. Scis quot sint in cælo Angeli ? Illorum numerus est prope innumerabilis. Sunt plures, quàm sunt in cælo stellæ, in littore arenæ, in agris gramina, in arboribus folia, in pecudibus pili, in hominibus capilli. Est turba, quam dinumerare nemo potest. Hos omnes tot numero cæli Proceres, potes, dum placuerit, immenso gaudio perfundere, attestante ista Veritate: (a) *Gaudium erit coram Angelis super uno peccatore, poenitentiam agente.* Imò hoc gaudium redundabit in Apostolos, Patriarchas, Prophetas,

(a) Luc. 15. 10.

Confessores, Virgines, Martyres, Cælitæ omnes : extendet se ad ipsam Dei Matrem, Dei Filium, in totam cœlestem curiam : Hinc dicit Christus : *Gaudium erit in cœlo.* Et malis momento uno, jacere in cœno, amplecti lutum, quàm toto gaudio implere cœlum? Indurate peccator, credisne sacris litteris? Credis Deo, qui toties, & tam multa dixit contra cordis tui duritiam? Vide, quid à te requiritur. Nihil prorsus quod non possis, non jejunia, non eleemosynæ, si non possis, non prolixiores, quàm possis, preces fundere, non quidquid extra te est; sed hoc unum, quod à te totum est, ut te præteritorum pœniteat, & serio resipiscas. Dic ergò prodigus cum prodigo: (a) *Surgam, & ibo ad Patrem.* (b) *Qua spe* (ait Chrysologus) *qua fiducia, qua conscientia? Qua spe illa qua Pater est. Ego perdidit, quod erat filii, ille, quod Patris est, non amisit. Apud Patrem non intercedit extraneus: intus est in Patris pectore, ipse qui intervenit, & exorat affectus. Urgentur Patris viscera iterum filium genitura per veniam. O quàm facilis est post delictum venia delicti. Ut sis post innumera scelera sine periculo tutus, sufficit vel unicus in Christum obtutus; ita monente Poëta:*

Si malefecisti, mox respice vulnera Christi.

28. DIES JANVARI.

Pœnitere, non impeditur temporis angustia, Dei misericordia. *Crysol.*
in Psal. 50.

I. Ad-

(a) *Luc. 15.* (b) *Sermon, 2. de Filio Prod.*